

我有一隻狗 文化介紹

[1] 除咗狗仔，有人會帶其他寵物出去行街，好似鸚鵡啦、烏龜啦，啲人見到呢啲咁特別嘅寵物，都會好好奇，走埋嚟望多兩眼。

[2] 影視作品中，有好多受歡迎嘅狗明星，好似「史努比Snoopy」、「神犬拉茜Lassie」、「忠犬八公」、仲有導盲犬「小Q」，你哋最鐘意邊一隻呢？

[3] 唔係所有狗仔都會游水，有啲狗仔因為四肢短小又或者鼻短臉扁，好似哥基(Corgi)、鬥牛犬(Bulldog)，佢哋游水都唔叻，我哋唔好亂咁放佢哋落水呀。

[4] 狗狗係唔可以食朱古力同提子㗎！因為入面嘅成份對狗狗有害，食咗會引致狗狗心跳過快、呼吸困難、影響肝腎，嚴重仲會致命㗎！所以做主人要小心，唔好畀狗狗掂到呢啲食物呀。

[5] 大家都鐘意食零食，而狗仔就有佢哋專用嘅零食，狗仔零食有好多種，有唔同口味嘅肉乾，仲有狗仔蛋糕，外型得意，但係唔知好唔好食？

[6] 「Sit, Sit, Hand, Hand」想唔想隻狗仔聽我哋嘅指令？其實，只要我哋錫啲狗仔，佢哋做啱指令嘅時候，畀啲零食佢哋做獎勵，佢哋就會配合我哋。

Author: P C Chan